

後

鑒

錄

西河合集

蕭山毛奇齡

字僧傑
又名外稿

徐雲理公較
徐誌二吉較

後鑒錄 四

嘗熟黃良通州秦璠據江陰之馬駝沙聚眾通洋劫
商旅截漕焚運舟嘗由奔牛北入孟瀆直達大江府
衛捕盜官統兵追之皆被殺且縛一捕盜官于危檣
叢射之以爲衆警科臣楊雷聞于朝詔責操江王學
夔巡江例賓而置指揮解明道董楊及張瑞周寧于
理嘉靖十九年總兵湯慶駐鎮江討之明年賊平仍

撤鎮江總兵官

卷四

嘉靖二十五年汶上田斌妻連氏與白蓮僧惠金妖人楊惠通煽亂焚殺曹單滕濮間凡所掠丁壯醉以藥犯之使列陣前則愁戰不避死傷以故從者日益衆東撫何喬以狀聞卽命檄討賊黨坐視不少動無何賊大熾西寇歸開南掠徐鳳治河都御史詹瀚集役卒格鬪敗之衛兵繼至獲斌及連氏餘黨釋去黨忌瀚奏瀚擅殺伐不道上聞大怒曰妖賊犯亂地方官不能勦捕而他人勦之不自矜引愧而反陷他人擅縱何無良一至此立命錦衣逮黨下鎮撫獄久之

有解之者削籍去

師尚詔家柘城爲司市老人陰蓄異志歸德知府尹
一仁信用之使捕盜尚詔故嘗與盜通及假以捕則
專甚得自爲縱舍乃結劇盜數千人起兵時同舉舉
人陳聞詩有名者爲主不從自絞死尚詔感之戒勿
殺儒生勿擾學舍於是整衆薄府城府衛官知變將
嬰城守而賊黨有內應者先啟門內之諸官立學舍
獨檢校董綸走城下見殺乃劫獄以掠帑藏捆載而
去初尚詔未叛時剽奪傍近富人貲累萬金買娼家
女爲姬至舉兵向府委其家不復備念無有犯我者

而柘城少年素狡佞乘尚詔出度未返卽率俠客數十人掠其家傾所蓄金產其娼姬去尚詔歸聞故大志詢姬所由姬頗識少年舉以對尚詔遂率衆圍柘城索其人縣官不卽予守又無策城遂破搜其人支解之去而罔太康亦索怨家一二人署事楊通判者懼不能守執其人縛城予之斬首去河撫楊珏統都司尚允詔指揮李瑋進剿戰郟陵敗績官兵死者數百人勢猖甚衆至華嵩流劫睢州西華扶溝許州陳州諸州縣後賊病非關副使曹邦輔襲之賊敗走柘城又敗之東奔宿州官軍追及于五河賊奪舟分者

陸二隊允詔乘其分急擊之大潰尚詔變服遁追獲于山東莘縣賊起凡兩月破府一州二縣八屠燬鄉鎮殺戮合二十餘萬三省皆震

廣東賊張璉者饒平縣之烏石村人殺家長亡命投害賊鄭八蕭晚先刻石璽一曰飛龍傳國之寶投諸池詭泅水得之以出聚視大驚曰此帝王符也歃血推爲長知縣林叢槐親往撫之璉笑曰塵埃中亦知有天子哉僭帝號改元造歷開科署王侯丞相諸官所居有黃屋朱城二重聚衆十萬縱掠汀漳延建及寧都連城瑞金攻陷雲霄鎮海衛南靖諸城三省騷

動福撫游震得檄指揮王豪率三衛軍與福州通判彭登瀛領鄉兵進勦敗績登瀛歸罪豪震得執豪等之斬隊長以下四人三衛軍不伏會副使汪道昆閱操至教場三衛軍大譟格殺鄉兵數人而請殺登瀛聚城南久之始散嗣後官軍不能勦卽調狼建兵征之皆不利上憂之總督胡宗憲上疏言中風願乞骸骨言官劾宗憲規避宗憲不顧先奏以三月十六日進兵旣而改四月廿日所徵狼兵十餘萬日費餉給上召尚書楊博議博奏遣都督劉顯叅將俞大猷勦之以萬五千人乘璉出寇搗其巢璉還顧失據乃分

賊四隊且守且禦官軍逼賊營整其城柵甚麗旁環
以小寨無慮數百遂進逼城柵而遣別將以火攻左
右焚其寨賊大潰乃懸購獲璵者萬金官指揮獲晚
千金官千戶賊黨郭玉誘璵出擒之并擒晚于是逋
賊林朝曦葉槐李文彪余大春等皆前後被獲合計
擒斬共二萬餘級俘獲解散共九萬降者無算因設
平遠縣于程鄉之木平營而設伸威營于典寧程鄉
安遠武平四縣間乃平遠新設降縣國相復叛知
縣王化初到任寄妻會昌縣親率鄉兵勦捕之賊反
聞會昌言化戰沒化妻計氏自刎死化聞大恸將妻

喪賊喜犒衆化急統兵擊斬之其他伍端溫七皆乞
降時大征倭夷伍端自縛詣軍門求勅大猷許贈征
立功授以官

俞大猷討海寇吳平乞降賊而復叛設三城海上
縱橫南澳浯嶼間劫詔安漳浦殺把總朱曰璣王
福建總兵戚繼光討之賊入舟遁既而繼光偕太猷
夾擊且遣飛將湯克寬破賊于萬橋山下會暮大風
火攻焚其舟賊大敗多赴水死或曰平竟遁或曰平
是時死水中

隆慶二年廣東山寇曾一本犯省城屯海珠寺俞大

猷擊走之其明年一本引倭夷寇鹽埕碣石諸處衛
所官禦之無功時雷瓊叅將耿宗元取下巖梓言欲
斬敗將廖鳳等四人四人懼會宗元閱兵教場四人
忽鼓譟各衆殺宗元執通判潘槐去與一本合屯兵
平山大安峒逼寇海上詔大征總兵郭成趙大浦由
白雲屯入以攻平山凡月餘生擒廖惠等四人倭酋
丘古所一人俘斬從賊從倭合一千四百餘人奪歸
潘槐以下六百人獨一本遁去又明年人猷乃擊一
本于柘林澳又擊于馬耳澳時郭成亦至又合擊于
萊蕪澳擒一本及其妻獻俘乃又擊葉丹樓葉萬王

西橋藍一清賴元爵等當是時有議兵餉者疏曰海賊一萬每川兵十萬用兵一萬每費餉至七八十萬大征之爲患如此

大足蔡伯貫以白蓮教挾衆爲亂僞號大唐大寶元年連破合州大足銅梁營昌安居定遠璧山七州縣上命川撫劉自強討滅之其時復有會勦黃中之役黃中萬縣賊

江西萬羊山賊張茂千隆慶二年聚衆反賴撫張紳初至官卽令萬安營守備董平勦捕以先令搜山山多藍戶皆種藍爲業賊衆合藍戶拒敵而巡按劉光

濟主撫啊將士猶豫遂大敗上切責撫按令協議毋
各執已見乃兩川之先以撫督賊賊不聽然後議勦
勦已復撫凡一年其後賊山寇竟用勦賊而撫終不
用

回種遍天下陝西延慶間尤衆皆無生產坐車賣藥
仰食他傍縣萬歷八年李宗鸚倡亂陝督高文薦請
勦而回實編戶與民間襍居結婚姻勦之不便不得
已用撫遂聽撫如是有年至十二年歲大饑回五百
人皆騎馬執兵器由涇州走靈臺縣據高山爲壘居
數日復奔麟游縣如流寇者都御史李汝請兵使于

戶徐金以六百人合巡徼鼓行而進賊復走末壽縣過分水嶺追至玉梅灣敗之復徙三水縣土橋鎮已走淳化轉耀州與飢民合遂據文王園爲險固去州可四十里時謂列兵塞隘口堅守十日可立斃徒逐之何爲哉副使原一魁推官張守乾執不可曰此窮寇也使散去遂縱之走白水縣明年又進兵始擒賊首馬毛等科臣顧九思疏曰賊起必有所由始不行追論則疎縱之罪何以懲于前賊敗必有所由去不知所向則蔓延之禍何以杜于後聞者避之蟪蛄賴元爵馬公藍一清皆集賊集賊以千計而二

賊爲首萬歷初廣東民伏闕本兵譚論賊狀始遣總
督殷正茂討之惠潮諸生三老蛇行出國門悲號伏
道左獻圖圖諸賊慘殺狀而簿記所殺自嘉靖至今
合殺十八萬八千九百餘人名籍甚悉正茂乃合十
二營官兵并徵左右江土兵共二萬辦餉九萬遍破
潮惠和不長樂興寧程鄉海豐歸善海陽一千餘寨
斬獲一萬三千餘級是時嶺東曾延鳳陳金鸞譚權
伯皆請降不許乃復討嶺東殘寇凡大溪峯岑岡下
歷諸寨皆相繼進勦惟高要六灣遲久始破而嘉靖
逋盜于是俱盡

鮑時秀者龍川撫民也號雞毛白在嘉靖中嘗助河
源歸善博羅諸縣糾通刈洪章主簿陳濟去勒金錢
贖還乃阻義都猴嶺爲巢招亡命習演禽天書而其
妻杜工妖術能走沙石擊人面秀每見人面被擊輒
大快曰阿杜真吾妻也于是附之者請秀王東粵稱
無敵洞王出入擁大蓋策駟橫行城郭間城郭民爲
徙去萬歷初朝命殷正茂勦之秀請降旣而復叛其
明年總兵黃應甲等復勦之擒秀斬首其妻以叛婦
律給功臣家

澄海林道乾嘉靖中爲盜降旣而以兄子茂入彭亨

國爲都夷使招道乾道乾詣軍門明白辭去封還前
所給一十七劄竟行廣督殷正茂檄暹羅安南共討
之暹羅乃使使握坤哪喇請曰道乾更名林滄梁在
臣海灣中欲會大泥國人寇今已統兵向頭關矣正
茂與福督劉堯誨遣香山吳章佛郎機沉馬囉咪及
船主囉鳴術收吡叻同擊道乾道乾乃奔佛丑海嶼
去同時諸良寶林鳳李茂隨道乾入寇皆賊盡獨道
乾莫知所終

梅堂于萬歷十四年入忻州爲益而宿松長溪山中
劉汝國者本以匠役爲武藝教頭梟傑多智因犯法

紫獄忽毀械竄身出無所歸遂附堂旣附執宿松巡檢枷其項游市而殺乃兵於其前知州徐希明廉居民之雄幹者曰潘按予以兵密託之擒盜按設計與吏目蕭芬賈漿宿松古車嶺候堂過擒堂而汝國健捷跳身走先是汝國有所善番僧五人善棍剽客三人善刀弩時相往來以汝國紫獄散去至是各來覓忽遇之太湖縣界會旱災飢饉衣裝皆盡汝國遂拉之爲盜自稱順天安民王鑄銅印大書替天大元帥衣紅衣出入擁大蓋駐二郎河就富民箱罔招徠飢民共食之飢民隨者數萬人妻焚椒香驛殺掠居民

盡逃竄指揮弗勦百戶鄭國重皆相視不能救而安
慶宿松諸府縣俱託以入計謝去撫臣以聞乃遣守
備孟儒周弘謨率兵過黃梅至宿松度兵不支仍請
徵播矧兵待戰會蘄州判官陳策自負善射帥鄉兵
隨往弘謨止之不聽戰于長溪竹麻尖大敗策中鎗
死弘謨亦被創走賊乃乘輿入宿松賊竊賊還柵二
鄭河明年二月巡道陳有德分兵屯太湖宿松而自
爲檄文使二僧招之不聽反移書有德謂豪家不法
吾取其財以濟貧此替天行道而違之是逆天也時
廷議切責促進兵會播矧兵至乃遽分兵逼賊柵夜

半賊焚柵而遁。追獲二十餘人。賊奔師工山。將窺安慶。入黃州。渡江。而是時德州盜凌子雲爲知州。任春元所執。于是諸將急追賊。猶拒戰。大敗。悉走。天鵝尖。隨道斬獲百餘人。追至金堂寺。生擒汝國。斬安慶。直天啟中。妖賊竝起。鉅野徐鴻儒以白蓮教倡亂。聚衆鄆城。同時有聞香教王好賢者。本深州人。其父森曾救一妖狐。狐斷尾與之人。就森則異香繞衣。然實無見也。森所遺金數萬。好賢藉之名。諸豪而景州于弘志聚無賴。創棒極會。與好賢結納。遂偕鴻儒約同起。而鴻儒以他事相激。先發。寄家口於梁山。泊刑牲起。

兵攻魏家庄。又攻梁家樓。據之。遂連破郛城鉅野二縣。兗西道聞。調養以聞。上命巡撫趙彥總河陳道亨合捕之。不得。乃復陷鄒縣滕縣。知縣棄城走。時括遼餉急。雖徵兵無餉。可給止練鄉勇。責有司捕治。復不能禦賊。趙彥乃暫留秋班邊兵。令都司廖棟統之。勦諸賊。賊始窘。殺賊數十。中有四大。金剛衣中匿紙大俱燬去。而別賊攻夏鎮者。截運河奪糧船四十艘。總河告急。上命兵部議兵防守。會沙溝營把總姚文慶集鄉勇渡河擒賊十一人。殺五十餘人。奪回漕艘。然賊猶復劫官營。殺都司游擊楊國盛等。僭稱大乘興。

勝元年連兵十餘萬。謀先取兗州。次取濟南。官軍環
蹙之。且以計誘賊。就撫乃于礪山初復之。際賊高尙
賓等縛鴻儒。山降。籍其黨共三萬人。馬騾器仗。稱之
時。景州于弘志亦以攻景州爲官軍所敗。斬弘志。馬
下。惟好賢走薊州。遲久就擒。其年四川亦有白蓮賊
洪衆。白台仙等爲巡撫朱燾元擒捕正法。
艾山賊劉永明稱安民王。以二十八人塗面稱二十
八宿。聚黨二萬餘人。合鄒滕賊共十七枝。天啟二年
官軍攻破之。獲永明。臨刑。猶自稱寡人云。
論曰。正嘉華盜如蝟毛。不堪盡載。或曰。嘉靖三年有

五星聚營室。天下兵起。其多寇。或氣運使然。然其
君臣亦大略可睹已。當時指名盜雖爲害久。顧非經
受賑不開。廟算或無預。地方要害。暨軍政得失。且未
嘗調邊禁。狼逮諸旅。則皆在所略。故如山東李之強。
兩廣瀧水賊荆襄何淮四川王洪。江西徐九齡。海寇
歐家政。漳州施安。錢滂俱未錄及。至若竹溪竿子寇。
妖人馬祖師。沈雄太湖。張安懋蘇州。周二礪。盜張戩。
茶賊楊四白。蓮荷濟時。直鼠竊狗偷耳。何足道哉。

西河合集

蕭山毛奇齡

字大可稿
又名姓稿

昂天駒扶上較
彭凱元車較

後鑒錄 五

李自成米脂人小字磈生居懷遠縣之李繼遷寨生而犇惡十餘歲卽與同同婆家牧馬喪父爲酒傭日沈醉主者遣之去學鍛又不成二十一歲應募銀川驛馬夫乃習騎射學刀槩于延安羅氏盡其技嘗夜送驛遞時失道有雙狼導之行不傷崇禎元年延安大飢邊兵缺額餉積一百三十八萬飢民緣邊兵爲

盜而陝撫喬應甲奄黨食且貿有劫道臣吳養和者
反脅養和取千金置盜不問盜自是益橫而被盜者
莫敢告是年白水王二反同時有王左掛苗美飛山
虎大紅狼等起宜川而固原兵以無餉叛去剽殺略
陽涇陽間會畿輔告警西撫耿如杞以邊兵五千勤
王赴京兵部調守通又調守涿又調守昌平功令兵
到日不開糧至次日乃開而邊兵以迷調積三日不
得糧餒且譁暨如杞以譁故得罪則五千人哄然西
歸與澤盜合自延安至慶陽城堡多陷而延撫楊鶴
不以聞于是有王和尚混天猴等從神木渡河陷山

西之蒲州自稱橫天一字王攻潞安河曲皆下之王
家引又襲破黃甫川潯水木瓜三堡據有府谷總兵
尤世祿怯不能禦而王大梁倒稱大梁王者其別部
且從寧羌出漢中鄖襄告急當是時自成爲驛夫未
反也無何科臣劉懋疏請裁驛站河北游民隸籍驛
遞者多亡去自成益無賴始爲小偷里中人苦之謬
相推爲里長主徵會自給值催科急縣官笞辱枷于
市自成自顧既不堪而其妻韓氏故娼也與縣皂淫
自成乃發憤殺淫者偕兒子過亡命投耳督所部將
王國爲兵過驍敢善鬪賊中所稱一枝虎者也時王

國適奉調過金縣兵譁自成忽起縛縣官索餉國止之并殺國竄入賊隊高迎祥號闖王者而自居于八隊闖將之末八隊者一眼錢兒二點燈子三李晉王四蝎子塊五老張飛六亂世王七夜不收八卽自成也自成名未顯而賊中有張獻忠者號八大王先自成有名方是時王二王大梁王左掛神一元一魁諸首難賊皆已授首而邊將曹文詔楊嘉謨善殺賊斬王家引于陽城擒點燈子于桑落鎮燈不沾泥于西川滅紅軍友于平涼俘李老柴于京師誅泥天猴于延水關殄獨行狼可天飛于虎兕門書有之鐵厥渠

魁方賊之初起其爲戎首不過此三數人耳而皆已撲滅餘賊眇小可鞭筆驅之而不謂其後之漸難圖也自王家引死後羣推其左丞紫金梁名王和尚者爲之首于四年春合賊三十六營共二十萬有所謂老猢猻八金剛闢王闢將八大王掃地王曹操射場天闢正虎破甲錐邢紅狼顯道神過天星蝎子塊混天王黑煞神諸有名者而于是自成獻忠始合夥爲賊先是延綏兵以核餉下臺邊關虛府縣急其欵加之飢饉不雨者幾一年人相食職方王惟貞陝撫練國事屢請發帑賑而未有報也至其冬雨雪百日

雪深一二丈。盜賊麻起而內地承平。久目不睹兵革。各棄堡逃。愁慘不知所爲。故當點燈子犯沁水時。千里內無守堡者。獨張忠烈銓其妻霍氏守不去。人稱之曰夫人堡。云乃羣賊四出。各有所向其據。交文以窺太原者。閻正虎也。屯吳城而進汾州者。邢紅狼也。從沁州而北入榆次。壽陽者。紫金梁張獻忠也。襲霍州垣曲。長子以陷遼州者。破甲錐混天主也。是時自成與破混合。上遣太監陳大金等分監總兵曹文詔左良玉。艾萬年軍。良玉戰林縣不利。而文詔萬年獨有斬獲賊。屢困其首。紫金梁屢敗于故錦衣衛戍雁。

門者張道濟已乞降矣忽叛去爲官軍所殺其他泥
世王翻山動寧世王顯道神等皆前後斬獲餘孽幾
盡乃賊之被驅于汾沁者東流順德犯畿輔大名道
盧象昇禦却之南下趨彰德連破湯陰武安諸縣復
犯林彰德同知王先鐸攝林嬰林城大括民兵殺賊
戰七晝夜死賊舍彰德而圍懷慶時河撫樊尚燝請
良玉駐澤州澤適中可南護懷衛北捍沁潞而良玉
援懷慶小有斬獲乃復敗于武安賊得東逞入輝縣
由淇濟邯鄲延蔓河北三府間廷遣倪寵王樸統京
營兵出勦賜二帥弓矢千五百戰馬三百二帥與良

玉萬年并力躡賊于武安于青店于石坡于柳泉于
猛虎村賊詭詞乞撫撫臣常道立信之因監軍太監
盧九德以請會天寒河冰合賊且降且走驟從澠池
縣策馬徑渡而于是中原賊禍從此始矣先是賊入
山西時雁門戍官張道濟應撫檄軍前有功當賊犯
沁水道濟率蒼頭擊却之生擒賊首滿天星獻俘而
言官謂道濟離伍冒功攻戍海寧衛文詔殺賊于太
行救鄧垓軍力戰甫解甲而河南巡按適至惡其體
倨糾之致論戍故澠池之渡文詔與其兄子變蛟俱
不在軍乃旣渡而賊浸盛然究以良玉鄧垓諸軍軍

河上遂從盧氏南下趨荆襄直抵郢西礮上津房縣
及宜都樊陵竟入川夔門不守七年春上改延撫陳
奇瑜總督而以盧象昇爲郎撫勦賊賊從均州遁連
戰皆敗獻忠竄商洛而自成則急奉關王奔入興平
之車箱峽峽四山立中亘四十里無去路而土兵用
礮石滾木圍堵而賊若晉井春夏連月雨衣糧絕弓
矢脫爛人馬死過半賊不得已賂奇瑜左右詭降而
奇瑜妄人好自用籍醜黨上軍門稽名得三萬六千
人指顧解散以爲神且檄諸路軍按兵所過府縣爲
具糗傳送而賊甫度棧大譟殺護監官十五員破所

過縣七別賊數萬自略陽來會在在告警奇瑜得罪
去人乃于是畏自成自成圍隴州延撫洪承疇援隴
圍解而固原道陸夢龍提兵救隆德戰而死全陝皆
震廷議合川湖河西兵四路進勦賊多西向而自成
獨出關趨河南連陷陳州靈寶諸縣既而聞承疇加
總督益以關寧兵隨出關自成乃號召諸賊合七十
二營至滎陽大會舊所指名有老猓猓韋里眼左金
王曹操射塌天混十萬過天星九條龍張獻忠等名
十三家殺牛馬祭天合歡列闔以韋左當川湖兵射
混當陝兵曹過屯于河當河兵老猓猓九條龍等作

游微往來策應而自成獻忠則專事東方攻城下邑
均所獲署定自成與獻忠東行破固始霍丘以趙穎
壽殺故尚書張鶴鳴疾趨鳳陽越紫禁城入焚皇陵
享殿毀鐘簷釋高墻罪宗百餘人唐世子與焉後入
福建稱名號者是也殺班軍高墻軍採軍新軍及府
衛各官死者合四千八十人方是時賊猖甚裂帛作
旗書古元真龍皇帝大飲合樂而獻忠掠小黃門十
二人名縛手酒半奏伎自成請得之獻忠不與自成
怒盡殺小黃門徑去走歸德合曹過諸賊而承疇出
關自成復入關時承疇奏限五月平賊名諸路兵盡

入河次河之汝寧先遣左良玉湯九州尤世威徐來
朝陳永福鄧玘尤翟文張應昌許成名諸總兵各以
所將使分防隘口而已俟曹文詔至進兵前此文詔
已贲罪在軍屢破賊乾州商州立功至是以別勦未
至而徐來朝不肯行兵譚于盧氏鄧玘淫掠爲亂兵
所殺督師不問也調叅將譚大孝不至承疇乃自率
邊將賀人龍行約文詔會商州適文詔從南陽來卽
遣文詔抵洛南擣賊巢敗之追奔五十里抵金嶺川
其兄子變蛟爭先殺賊賊聞大小曹將軍名震懼不
敢戰承疇乃募士且節制曰商洛之賊不得西鳳平

之賊不得東縱者死而賊聞鳳翔別賊圍平涼官軍
之戰于亂馬川者總兵艾萬年中軍劉弘烈副將柳
國鎮皆先後死文詔素與萬年善聞其死痛哭詣軍
門請戰乃以三千人當賊千真寧變蛟爲前鋒直前
斬賊五百級乘勝追之文詔以步殿賊伏起合圍數
萬還顧無策應者文詔力不支轉鬪數里自刎賊乃
由耀州走胡邑奔澄城邵陽承疇往復勦禦而尤世
威徐來朝守朱陽關不戰而潰于是羣賊皆出關而
自成獨留時上憂甚先以淮撫兵蕃兵護鳳陽陵以
巡按余應桂所募土司女官冉氏兵守獻陵特調龍

固關參將李重鎮兵四千遶東總兵祖寬兵三千馳
援時象昇已授湖撫承疇勦西北象昇勦東南文詒
雖死猶足滅賊而無如節制多未當也方其時甘肅
總兵柳紹宗敗過天星于寧州追至紇魚海絕其西
奔請降而左良玉敗賊于嵩秦翼明敗賊于均州斬
黑無神飛山虎等唯自成親陷咸陽殺官吏其勢頗
振然亦爲官軍所敗賊將高傑挾自成妻歸降而出
關諸賊則屢敗于良玉陳末福白光羅走麻城羅田
犯蘄水象昇統祖寬等與良玉夾擊于蘄竇賊大劔
獻忠狼狽重奔朱陽關聯三大營侯自成出關而自

成失其妻又失其弟。詭乞降。平賊軍不聽。乃復擊之。于高陵。甯平斬賊千餘級。自成挾幽主突朱陽與羣賊會。悉衆薄河南關鄉。而賊于是已三出關矣。先是賊攻隴叅將賀人龍被圍。自成以人龍同里。遣高傑招之。不應。疑傑使歸守營。而自成妻邢氏多智。掌軍資。每賊支糧呼傑入驗符悅。傑與傑通。至是來歸。共殺賊。而自成與獻忠合趨洛。良玉祖寬共救之。自成走偃師。獻忠走嵩。分行良玉追自成。寬追獻忠。皆大捷。九年春。自成攻廬。不下。陷連山。和州殺御史馬如蛟等去。而攻滁。時自成獻忠皆在滁。環山爲營。包絡

鱗次百餘里行太僕卿李覺斯知州劉大雅督民登
陴賊百道環攻不下城頭火輪巨礮殺賊無算賊恚
甚裸婦女百餘沓淫之已盡斷其頭環向堞植跗倒
埋露下私以厭諸礮礮裂大韋取團胎數百枚如其
數懸堞外向礮仍發是夜象昇率祖寬馳援賊方怒
盡銳急攻穴西北隅而上兩關羊馬牆塵大起賊不
虞兵至寬躍馬前諸將乘之戰于城東五里橋游擊
羅岱陣斬賊首搖天動奪其馬連營皆潰逐北五十
里自朱龍橋至關山殲屍擗藉漕撫朱大典截賊路
賊問道破守禦官軍逆襲官軍旂夜遁至末城副將

祖大樂復遮破之斬賊混天王小秦王俘其衆奪所
兩婦女馬驟自襄陽上賊以牛酒迎河南所留賊構
蓆爲宮掛綵繪張樂高宴而自成適至觸自成自成
乃邀一半王曹操共趨開封大樂再破之殺熟集斬
賊千級遂趨南陽知縣何騰蛟復擊敗之自成精銳
幾盡時象昇誓衆曰我逐賊至此諸君努力無使逸
而湖撫王夢尹慢勿應漢以南無一兵待者自成乃
渡江西走興漢從陳倉子午谷重窺西安舍而趨慶
陽至延西大敗官軍於羅家山收士馬器仗而延綏
總兵俞神霄一戰破執勢復振遂還米脂錦衣游城

下呼鄉里親戚問安否鄉人多豔慕從賊乃自成西
行而關王尚招漢中會承曄象昇俱復以邊警入援
關遼兵北還上特出孫傳庭下獄授陝撫傳庭初入
關卽與關王戰盤屋擒關王獻俘關下衆于是推自
成爲關王自成之稱關王自此始顧自成與過天星
蝎子塊獨行狼諸賊俱在陝惟曹操植塲天老猗猗
獻忠東下官兵之駐關中與河南者俱不及賊之什
一且徵調入衛賊得休息而官軍之戰與守反非時
也十年正月自成乃同過天星蝎子塊寇三原官軍
不敢出相持值傳庭統變蛟至連戰七日賊敗蝎子

塊降自成與過天星奔秦州由寧羗分道入川下黎
雅青川新明鹽亭諸縣直逼成都攻七日不下仍返
汧陽曹兵進過之乃乘夜走武功分賊往西番掠馬
將次老鷄關值承疇從邊塞還統降將蝎子塊追之
俘其妻十一年賊復走川而變蛟邀之且設伏于潼
關原驅賊入伏中奮矛掩殺相蹈藉先後降者數十
萬委仗如丘山自成乃以十八騎走十八騎者劉宗
敏田兒秀李錦谷可成張世傑高一功張鼐李過李
雙喜任繼榮繼光田虎劉汝魁其五騎則掌械兒也
自成跣雙足走商洛山中讀書觀乾象咄咄自語嘗

掩卷謂左右曰汝亦知漢高之百戰百敗而得天下乎顧其所讀書云爲異人所授甚秘不得而知也先是象昇破郢襄賊之在湖者凡十五家獻忠詭降于總理熊文燦已有日矣至是據穀城而自成依之獻忠初欲殺自成旣而爲曹操所解與自成羸五十馬五十婦人十令去自成謝曰以身相依足矣安用是也自成去而收殘賊稍稍自保旋復爲官軍所圍督師楊嗣昌令曰國師必缺缺則自成遁武關嗣昌急招之不得乃復進圍于巴西魚復諸山自成恨欲自裁李雙喜止之時賊將多降而藍田鍛工劉宗敏與

孩兒軍張飛後稱小張侯者曾事從自成偕之懃懃祠中顧宗敏嘆曰人言我當爲天子盡卜之吉卽從不則斷我頭以降宗敏諾納其刀腰間三十三吉起而殺其兩妻曰吾死從君矣自成乃燒屯走河南河南舉人李巖者故尚書李精白子也原名信信以父奄黨思湔其醜嘗出粟千石活飢民飢民德之稱李公子會紅娘子賊起紅娘子踰繩妓也重信鹵信去強委身事信信乘間歸囚于官紅娘子來救破囚飢民之德之者同時起曰李公子活我今有急乃殺知縣反而信投自成改名巖而盧氏牛金星者亦舉人

也。以磨勘被斥介。醫生尚綱見自成。自成喜其辯。與謀議帳中。車優及女。陬者亦盧氏人。嘗在帳中供奉。見其事。車優逃歸。告于金星之族人。族人恐伺金星歸首之坐。斬得減死。至是仍奔自成。與李巖同教。自成取天下。勿殺收天下心。嘗造為謠曰。迎闕王不納糧。使兒童傳歌之。而金星所善卜者宋獻策長三尺。上議記曰。十八子來主神器。子器自成信之大悅。拜軍師。于是稍稍滅殺散所掠財物。餉飢民。飢民受餉。不辨巖白成。雜呼曰。李公子。李公子。十四年遂陷河南。燔福王府。擲割王襍鹿醢犒師。名福祿酒。王世子

裸而逃卽後稱號于南京者也時河南飢通判白尚
文爲賊所殺而民就噉之賊乃大賑發府穀及藩邸
巨室米廩金錢各數十萬設立僞官以書辦卽時昌
爲總理守其地去攻開封時昌爲河撫所殺而開封
不能下周王出帑金饗士巡撫高名衡推官黃澍知
縣王熒同設守賊舍之去屠密縣會獻忠爲良玉所
敗投自成自成欲殺之修前怨也時曹操在坐力止
之陰選良馬五百疋資獻忠獻忠晝夜馳與革左合
而陝撫汪喬年與保督楊文岳陝督傅宗龍共出關
勦自成戰于襄陽收績宗龍死葉縣降將劉國能李

萬慶卽十五家賊所稱飛虎射場天者亦不屈被殺
喬年自刎襄陽潰賊乃乘勝圍南陽猛如虎戰死戕
唐王於其它連陷河南南陽開封諸屬殺徽王復圍
開封先是喬年撫陝時有言自成祖墳異者喬年請
發之米脂縣役詭孫姓實自成族知縣拷之曰祖墳
十六宿在萬山中中一棺始祖也仙人點其穴難鐵
燈檠于窰門曰鐵燈明李氏當王明叶及發掘果有
燈焚焚赤蟻數斛填塋中毀棺骨青色生毛髮腦宮
一赤蛇長三寸餘有角見曰卽飛昨曰華者七返而
棲于腦喬年函臚骨并腊蛇以聞自成嚙指恨及知

喬年出踊而曰此發我祖墳者耶急擊勿失而喬年
遂敗至是圍開封開封故宋都金人所重築也城厚
十丈賊攻城無梯衝但創拆城法責一甲士拆一甓
得者卽歸營解甲臥拆已穿穴穴初容一人漸至十
百次第奔土出留一土柱巨組組柱間萬人負組而
絕之則一呼而城崩矣開封守堅每穿穴輒薰以毒
穢當者焦爛城上矢礮齊發擊殺賊帥上天龍等總
兵陳永福挽疆弩中自成目賊憤甚乃就城壞處試
火攻法以礮炭實壘填城穴火發壘裂名大小放迸
時十五年二月賊將迸火先下令曰今日必拔引精

騎環繞距躍鼓譟俟城頽齊擁以入而城土內堅而外浮火迸返擊灰土之漲及于天數千騎殲焉賊駭而去攻陳州睢州太康寧陵考城西華以及歸德儀封魯山郊縣無不下者乃復合羣賊轉攻開封築長圍圍之凡八月時廷議謂故尙書侯恂與良玉有舊能致良玉立出恂于獄督河南兵良玉初無意援開封至是以兵來許與恂會遇賊朱仙鎮敗績羣師皆潰良玉毅然返襄陽而劉澤清援兵至謀以次結八營築甬道得餽饌城中賊復斷甬道樵採絕城中雀鼠俱盡曹操亦苦飢將他徙自成留之時三攻開封

憤甚誓必拔守者苦不堪命以開封北枕河賊營河
傍謀決河灌賊而賊已先覺官軍決朱家寨口賊決
馬家口合大雨旬日水暴漲兩決口並發聲如轟雷
賊漂沒萬人而兵民死者合數百萬水從北門入穿
東南門出徙杞縣唐邑以入于淮周王併宮眷及寧
鄉安鄉永壽仁和諸王撫按守將多爲援師具舟救
去賊乃西向迎傳庭軍時傳庭初入關卽收新亢將
賀人龍戲下軍政肅然乃以高傑兵破賊塚頭追奔
六十里忽曹操據至統傑後傑之後距者望不見傑
以爲傑沒也奔衆皆奔遂潰傳庭執後距斬之時天

兩糧車不進探青柿爲食時謂之柿園之敗而自成
屠南陽破汝寧殺保督楊文岳及道府縣以下挾崇
王及世子行將至漢口聞獻忠破武昌怒移書責之
轉而陷襄陽連破德安棗陽宜城穀城光化以及樊
陵荊門州遂入荆殺湘陰王攻承天下之焚獻陵木
城毀享殿改承天府曰揚武州自潛江京山以及德
安之雲夢黃陂孝感皆望風景附唯鄖以降將王光
恩死守不下而良玉方國安諸將皆避去十六年春
自成稱奉天倡義文武大元帥敗襄陽曰襄京均州
曰均平府其餘府縣多改易名號修襄王宮殿居之

自號新順王而分其兵曰標營曰前後左右營各領兵三千隊自元帥以下次權將軍次制將軍次果毅將軍次威武將軍都尉掌族部總哨總各有等自成妻弟高一功諸子過皆居帳中號親信田見秀劉宗敏爲權將軍李巖賀錦爲制將軍其餘張飛黨守素谷可成任繼榮繼光張能諸子錦等爲果毅將軍以下凡五營合二十二將置上相左輔右弼六政府侍郎郎中從事娶地設防禦使自左輔牛金星右弼來儀以下丘之陶楊承裕喻上猷顧君恩鄧鼎忠牛全鄧璉各授以侍郎郎中防禦諸官改所挾崇王邵陵

保寧肅寧諸王爲伯使高一功守襄陽任繼光守荆
蘭養成守夔陵王文驥守澧白旺守安陸州雲林守
荆門謝應龍守漢川周鳳梧守禹州鄭州羣賊無不
附者惟韋左久據東南不相下自成置酒宴韋左殺
之曹操在軍中佯推爲代天撫民德威大將軍而忌
之就帳中斬其頭其餘蝎子塊滿天星整十萬掃地
王小秦王射塌天金翅鵬托天王過天星關索一條
龍小紅狼九梁星諸賊俱相繼降盡而自成獻忠兩
大賊乃歸然獨存自成爲人不甚長高額深頗顴目
曷鼻聲如豺而語甚遲緩性慘酷鉗鑿鋸不離左

右曰。斫足。剖心。琢腦。截腸。爲戲。惟甘。屑泊。食不重味。
一妻一妾。無子。以李雙喜爲子。每在軍。尊食稍。慰卽。
自校射。曰。站隊。所過。崇岡。絕坂。騰而上。踰水。惟黃河。
阻。轡他。悉翹足。馬背。徑渡。復者。斬。臨陣。列馬。三萬名。
三堵牆。而各有幟。色紅一黑一白一。望若雲錦。馬戰。
久。則步排。而前。長矛。三萬。擊刺。若飛。遲之。則馬兵再。
合。無子。遺矣。下城。不踰時。不殺。踰一日。殺十之三。再。
日十之七。三日。屠之。束人尸。爲燎。名打亮。每城。陷步。
兵環。堞下。馬兵。徹之。如覆海。然無一人。脫者。賊忠。雖。
至。忍不。越也。傳庭大治兵。關中。懲怖。國之。飢作火車。

彷彿箱武剛遺製。逕以神機俾得。齊衣。繼乃弩臨。戰驅以拒馬。止則環之。可自衛。官役。熱脂作。凡二萬兩。白廣恩。肄習之。時舊將左光先已老。而廣恩高傑。皆狠戾。不可法度。使傳庭欲稍緩師。期俟集事。辦賊而廷督甚急。不得已。出關。先以總兵牛成虎副將盧光祖由靈陝入洛。而親至澠池。會下池。賊與前驅相遇。禦之賊却。乃檄廣恩從新安來會。河將陳永福守新澠川。將秦翼明出商洛爲犄角。中軍高傑帥降將楊承祖等招撫諸賊。賊盡奔寶豐。豫設伏澠澗。破其伏。賊將李養純高紀祥迎降。乃遣別將從曾山搗唐縣。

老營而盡銳攻寶豐且曰寶豐不卽下賊後至則腹
背受敵矣諸將急擊戰小利賊以精騎數千來援諸
將擊走之遂以是夜拔寶豐斬僞州牧陳可新等凡
數千級次日次邠縣賊萬騎迎敵前鋒陷陣擒賊果
毅將軍謝君友砍賊坐纛尾自成幾獲而別將搗唐
縣者殺賊妻孥細口殆盡會天大雨轉道渾數尺糧
車不至士馬飢或勸退舍就委輸者傳庭曰軍已行
卽還亦飢不如破邠縣就食遂還破邠縣城虛無人
割驢羊二百頭噉立盡連雨七晝夜不斷軍旣深入
屠馬煮弩食食輒病後軍譟汝州降蓋李際遇陰通

賊賊精騎大至傳庭乃分軍爲三命虞恩禦大路而
已與傑從間道迎糧永福閉營休士候糧至勿動乃
未發而未福兵先行永福雖斬之不止賊力蹙之至
南陽傳庭遂轉還戰賊置陣五重官軍力戰破其三
至老營而賊死鬪陣稍動壯士推火車者駭曰師敗
矣遽奔輓輅脫傾輓塞路馬兵之奔者皆絀軸賊騎
凌騰之步賊手白楸遮擊歷腦俱裂大敗賊空壁追
躡一日夜踰四百里官軍死者踰四萬失亡兵器輜
重合數十萬初傳庭退軍自成侍郎丘之陶相國瑜
子以蠟書通曰督師第與戰我當詭左兵之至以邀

其歸而後我從中應之賊可擒也傳庭報以書其書
爲自成所得故傳庭苦戰及墮賊計而之陶被害第
退軍之頃廣恩以大路遁不顧傑故敗至是傑欲棄
關守西安而傳庭與廣恩不許遂守關傑亦不顧去
自成乃破關入陷華陰渭南臨潼傳庭戰死西安守
將王根子降賊執秦王巡撫馮師孔按察使黃炯知
縣吳從義長史章世綱皆自殺自成踞秦府改西安
爲長安稱西京授秦王爲樞將軍分兵徇諸路皆下
之先是自成踞襄陽請議所向牛金星曰當直取河
北以擄燕都自成曰急楊永裕曰當先據留都以斷

漕道自成曰緩顧君恩曰當進取關中爲根本地可
戰可守而後略三邊取河東以向京師自成曰可矣
至是搜秦宮賜君恩女樂一部酬其謀也大發民夫
修長安城闕兵渭橋金鼓之聲震地關兩馳道于城
中自御藍布袍乘馬張小黃蓋背有黃龍繡百姓望
見稱萬歲乃復大會羣賊戎馬數萬匹旌旗百餘里
詣米脂祭奠修之改米脂縣爲天保府擄掠諸紳士
索金籍民財其下令禁肉掠殺戮數日耳諸將降
者皆解甲詣宮門白廣恩左光先俱降獨陳永福未
至賊遣廣恩招永福永福曰開封之戰永福親集矢

于王之目今窮而歸命縱大度其能忘乎自成折一
矢誓之永福降惟榆林王世臣世國一門尤世祿李
昌齡等皆不屈死乃遣賊下寧夏屠慶陽三邊盡入
賊遂長驅渡河破平陽殺西河王等三百餘人攻蘭
州總兵馬燁副將郭天吉中軍哈惟新姚世儒等皆
死殺居民四萬七千人下西寧肅州山丹永昌鎮番
莊浪諸衛進兵略青海所向無敵乃建元永昌國號
順復丑等爵設官分職改內閣曰天佑大學士平章
軍國事平章國事翰林曰弘文館中書曰書寫房大
科曰諫議大夫御史曰直指使六部曰六政府郎中

曰中郎主事曰從事尚書曰尚書司太僕曰監馬寺
通政曰知政使巡撫曰節度使布政曰統會使其道
府州縣曰防禦使曰守曰牧曰令又置權將軍以下
服色尚赤品級以一雲二雲爲差紗帽補用唐制帶
用犀銀角三等廢與乘馬關防曰符印曰契券則有
中吉左輔右翼前鋒後勁諸名旗幟則前黑後黃左
白右紅中青以五行尅勝爲色分天下爲十二州如
舜典焉大封功臣李雙喜爲義侯田見秀爲澤侯李
巖爲岳侯劉宗敏爲磁侯劉少亮爲汝侯李過爲亳
侯張鼐爲侯侯馬世耀爲巫山伯劉體純爲光山伯

白廣恩爲桃源伯陳永福爲文水伯田虎爲寧陵子
高一功爲臨朐男追王其先代以李繼遷爲不祧之
祖其曾祖以下皆上謚號爲皇帝追尊其母呂氏爲
皇太后氏懷遠堡人嘗夢一皇者服袞冕謂之曰吾
送破軍星來爲爾兒醒而生自成因呼自成皇來兒
嘗曰皇來兒當貴特吾不見耳則封高氏爲后陳氏
爲貴妃諱自成爲存成以崇禎十七年正月朔卽順
王位是日風霾黃霧四塞自成意不悅侍郎姜學一
進曰所以掩大明也造甲申歷設科目試士鑄大錢
直白金一兩次當十當五時獻忠亦僭號西王上聞

大驚大學士李建泰請提兵西行自成渡河以僞侍郎黎志陞驂乘攻太原下之執晉王巡撫蔡懋德自殺一路無敢拒者唯代州不下寧武總兵周遇吉殊死戰凡十日殺賊數萬賊迭戰被執不屈磔之其妻蒙古猶巷戰焚死自成嘆曰使守將盡如周將軍者吾安能至此哉于是長驅下宣府同撫衛景瑗宣撫朱之馮皆死殺代王宗藩殆盡總兵姜瓖降遂從柳溝入居庸關是日命太監守九門且命諸總兵皆進爵勤王而皆不得至惟唐通以八千人入衛出居庸與太監杜勳大學士李建泰俱迎降京師陷自成弑

帽窄袖衣乘烏駝廳中金星宋企郊五騎從登皇極殿據副座大學士魏藻德成國公朱純率文武百官入賀大學士陳演勸進不許乃召見京朝官自金星下六政府尚書宋企郊輩煇陸之騏張嶙然王命若侯恂皆雜坐以次呼名自特推何瑞徵四人外自成親選七十三人金星選二十七人分爲三等奏聞放榜名具六等降賊案旣而俱不用用其要者餘發擢將軍擄掠密金自嘉定伯成國公陳演魏藻德下皆健體奕奕夾脰橫膈無寧日而於是請官始稍稍寢去乃發諸勳舊職官于平則門外逐闕人出城無老

弱費錢數十萬不許復入開科取士用書義中式者
十八人命繕繕焚太廟神主進拷索銀七千萬侯家
十三兩入十四宮十二估商十一餘宮中內帑金銀
器具以及鼎耳門環銅絲裝嵌剔剝追逼不及十萬
賊聲言得白內帑惠擄索名也錢不成餅金璽又
不成鎔金餅每餅千兩竅其中貫以鐵紐凡數萬餅
括驟束千駝千謀載歸陝嘗曰陝吾父母國形勝朕
將建都焉高貴歸故鄉十燕京豈易一西安哉會
大清興兵將討賊而總兵吳三桂家京師聞其妾陳
沅爲賊所得大恨時賊命唐通守關三桂襲破之白

廣恩援通亦敗自成挾三桂父襄令作書招三桂不
應自成親率所部賊十餘萬出攻關城而以勁賊出
一片石從關外夾攻三桂懼不敵乃乞師于

台星可汗九王發鐵騎五萬以英王豫王分領之
入關先是三桂與戚繼田弘遇游觀弘遇所買金陵
娼陳沅者而悅之請聘以千金不許弘遇死始以千
金買他姬易之嬖甚賊將劉宗敏恠知其事親國
三桂宅縛其父襄而拽陳沅去三桂初聞變已遣使
入降在道及得沅信乃拒關至是力戰初敗賊于紅
花淀又敗于關又敗于遷安斬偽將軍谷可成射劉

宗敏墮馬左光先負創走自成還京師將奔忽憐位
于武英殿褒冕列仗受朝賀癩眩鴻臚贊拜不成列
乃命牛金星行郊天禮是夜焚宮殿旦明出走居民
升屋擲瓦礫奮挺大呼殺賊婦女擊銅釜樂器助之
賊人馬相蹂踐死者數萬追至定州斬賊將三人初
賊取親信李巖巖有大略入京不殺不拷索嘗出聽
安后于厄而護之使自盡自成忌之及聞河南北反
正殺偽官巖請以兵徇金星微言曰河南巖故鄉其
意叵測十八子豈巖耶自成乃殺巖至是金星獻策
皆道亡自成無與謀然猶還兵向三桂殊死闕三桂

分關兵滿兵。番休戰射。自成中首墮。拔他馬走。及放
開而止。自成搜全陝鐵騎數十萬。悉銳逆戰。大兵
衝堅而入。斬賊將馬世耀。劉宗敏。賊大潰。棄陝走南
洛。歲丙戌。復走荆襄。逐之走辰州。將合獻忠不得留。
屯于黔陽。初。自成南高氏僭爲后。及破京師。歸收宮
人寶張陳杜爲僞妃。隨營中。其賊將則殺亡殆盡。惟
李過李錦田見秀高一功劉汝魁賀珍賀錦党守素
留不去。賊衆從者尚數萬。會川湖總督何騰蛟屯兵
辰州。攻自成。自成退營羅公山大飢。令李過守營而
自將輕騎掠食村民。方築壘守。見零騎來合圍伐鼓。

共擊之自成馳射麾下左右格鬪積兩人馬陷泥濘中
村民揮鋤碎其顱腦漿于地血肉漫漶不知爲何
賊也抽尸剝甲裳見龍衣金印眇左目驚爲自成救
而獻騰蛟騰蛟曰吾聞李錦亦眇一目得非錦耶驗
之左瞼傷于鏃曰是矣祖其頭祭烈皇帝飛書奏捷
于福建唐王唐王頒提焉自成死服乃推李錦爲主
改名繡率高氏居洞庭山中唐王遣馬知祥招之封
高氏爲忠義夫人賜繡名赤心其所部號忠貞營營
中稱高氏爲太后高氏上疏稱自成先皇帝後爲
桂王開部堵引錫所撫戰長沙有功封赤心爲典國

侯當是時獻忠養子有同時附棟王者皆封王而赤
心已死

西河合集

後鑒錄 六

張獻忠者延安衛柳樹澗人也與自成同年生少爲
快手不得志去隸籍延鎮王威獻下以淫掠與衆就
縛將刑適他將陳洪範來謁獻忠貌奇之請釋獻
忠而殺其餘縛者獻忠乃從叛兵神一元領紅旗爲
先鋒崇禎三年據米脂之十八寨與羅汝才諸賊詭
降于延撫洪承疇而叛之自號八大王雄長諸賊同

紫金梁寇山西木利人自成會羣賊榮陽東下連
破河南河北諸縣毀皇陵與自成不合去先是延寧
賊起承疇檄平涼兵備徐如翰截各隘口而令總兵
曹文詔艾萬年往來擊勦如翰知兵文詔善戰自西
漢鐵角城諸大捷後賊幾盡盡卽獻忠拔健亦復弭
耳奔竄而涓涓者未盡絕也至是自成去獻忠攻廬
州不下驅婦女數千裸之置知府吳太僕而舒城知
縣章可試開門誘賊入殺數千人應撫張國維統吳
淞兵守桐城殲賊前隊賊憤甚毀道傍神祠大誚逼
屠廬江巢縣無爲州潛山太湖諸不守者遂由英霍

取道麻城過商州而會自成于鳳翔復先自成出商
洛候自成而總兵祖寬左良玉來擊敗之走河南祖
軍復敗之於嵩又敗之於九皋山又敗之於圪料鎮
先後斬千級俘百人賊益恚借自成兵報圪料之役
遇祖軍于龍門白沙壘戰復大敗乃邀自成合攻滁
此自成所以大創于關山也當是時自成再入關而
老獬過天星獨行狼諸賊俱盤踞鄖襄商洛不相
顧會祖軍以邊警隨承疇象昇北還獻忠得密通曹
操撞塌天諸賊沿流東下與華左賊合乃既合則橫
甚大寇懷寧六合望江江浦在在告警烽火達于繼

揚幸應撫張國維淮撫大興統劉良佐左良玉羅
岱諸將堵勦賊不得逞時河南自開歸光固以及潁
壽被賊害者三年雞犬無聲關廂市集皆虛人採野
穗千里無炊烟亂木槎杈田隴間皆成拱把虎狼千
百爲羣行道路以故賊無所向則還寇襄鄖以爲常
乃羣賊之在湖者稱十三家獻忠與劉國能混十萬
老猢猻射場天曹操過天星華里眼左金王改世王
安世王順天王順義王而曹操在鄖又與一丈青小
秦王一條龍分四營過天星在均亦與王國寧常國
安楊友賢王光恩分五營以及馬士秀杜應金其名

不一要之皆十三家也時祖軍雖北去而良玉人龍
以及鄭嘉棟羅于莘張令汪之鳳張應元皆所在殺
賊賊大劫會炎敵賊營連山谷馬矢蕭達十里蚊蚋
嚼草間人畜俱病稍稍思就撫而總理熊文燦爲樞
臣楊嗣昌所薦庸劣無大略好侈言兵事而暗于攻
勦到卽言撫乃刊令懸通都曰心示諸家賊待以不
死于是劉國能馬士秀杜應金李萬慶賀一龍左金
王王國寧輩所稱十三家賊者相繼請降而獻忠方
詐稱官兵叩南陽城東門爲羅岱追及射之中額良
玉抽刀砍獻忠面馬逸遁去獻忠既喪氣值陳洪範

在文燦戲下獻忠德洪範藉洪範乞文燦降文燦信之而不知其詐也方是時獻忠據穀城曹操亦降故自成投獻忠賴曹操解去乃獻忠降時初未嘗有意漸狡但私恃狡猾于十一年二月遣賊將荀可旺重賂文燦徑寸之珠十碧玉長尺餘者二名妹八文燦亦重昵獻忠凡有所徵求無不應而其後檻狼紉虎漸難制也無何獻忠立開梁奪商貨放兵掠民家婦攘闔閭金錢不奉徵調知縣阮之鈿憂之以語文燦文燦惡其語獻忠乃忽索阮之鈿印之鈿不與遂殺之反曹操亦反拆穀城城焚廬舍設伏敗良玉兵于

羅狹山執其前鋒羅岱而同時降賊惟王光恩號關
索者約八營擊賊誓不反其餘華左曹過諸賊皆叛
去分陷隨太麻黃漳房興遠間爲犄角會輔臣楊嗣
昌以薦文燦故負慚請親行討賊上乃賜嗣昌尙方
劍鑄督師輔臣卬陞辭宴平臺賦饒歌一章贈行而
嗣昌虛恢自用猜驚失諸將心初至襄陽謀進兵與
良玉計不合謀奪良玉印良玉卒破賊于瑪瑙山追
奔四十里斬首二千二百八十有七內有婦地王鄧
天王一十六級皆賊將而獻忠妻妾九人竟擒其七
獲軍貨甲仗馬騾器械珍寶無算降賊將三百三十

八賀人龍亦斬首一千三百三十有二降賊將二十
五是役也良玉功第一人龍次之而湖將張應元汪
之鳳亦以是時追賊于水右壩斬馘九百獻忠走徭
溪川將張令方國安再破之令亦曉勇敢戰有名至
是以五千人當賊數萬力戰皆勝獻忠乃憊甚遁與
歸山中而良玉與嗣昌相齟齬故縱賊屯軍興安平利
諸山連營百餘里圍而不攻賊乃賄山氓市鹽芻米
酪收散亡以圖再振先是曹操過天星旣反分兵出
羊頭坂窺渡而大昌將劉貴與石柱女將秦良玉扼
之終不得渡至是獻忠走白羊與曹過合遂由魚住

溪渡江連陷長武羅田新寧大竹諸縣嗣昌不得已
作招諭帖萬紙散賊中賊不應已而攻夔州湖將汪
之鳳戰死張應元突圍走嗣昌本湖人初意欲驅賊
入川使湖地無賊而川撫邵捷春昧其意使川將張
令與石柱女將秦良玉以輕兵守重慶秦良玉難之
言于捷春捷春不能用十三年賊破川兵于上馬渡
遂陷大昌張令死石柱兵皆敗秦良玉單騎見捷春
請調土司戰而捷春猶豫賊乃由竹箇坪過開縣轉
趨達州方國安敗退不敢與爭而降將張一川張載
福俱陷陣死遂屠綿州抵成都當是時嗣昌曾薦萬

元吉監諸道軍元吉忠果能任事乃大饗軍士用猛如虎爲總統統諸軍進止逐賊而賊從瀘州折而東還歸路盡空如虎所將寧固兵止六百騎賀人龍謀歸檄左良玉入夷夔堵守使者十九返不應初嗣昌愛良玉跋扈人龍方破賊有功私許代良玉爲平賊將軍人龍喜旣而良玉有瑪瑙之捷嗣昌難之顧謂賀將軍需後命而於是人龍良玉俱不爲用元吉知二將怨望而又虞賊復東出則驅賊入川之勞兩見敗因有和軍心扼歸路之請而嗣昌不之省也至是如虎與叅將劉士傑逐賊及之黃陵城士傑擐甲

進如虎繼之諸軍皆不前賊見官軍無繼者乃密抽壯騎奮擊箐谷中士傑戰死如虎負創走賊果出川至雲陽嗣昌頓足曰悔不用萬叅軍言賊乃由淨壁趨夔門宿于乾溪一日夜行四百里耶撫袁繼成邀擊不止乃留曹操堵郢而自率輕騎下宜城殺督師軍使于道取其符夜叩襄陽城門襄道臣張克儉納之賊二十騎蹕蹕入解鞍宿承天寺夜半火起燔寺臺并襄王府門民望見火以爲滿城皆賊也棄城走城潰先是瑪瑙之捷繁所獲賊眷并獻忠妻高氏教氏於襄陽獄中知府王承曾素仇豔二氏色每按囚

必脫繫。調笑侵辱之。至是賊大至。爭毀徙戶。挈二氏出。殺道臣。推官而索知府不可得。乃執襄王坐堂下。屬之酒曰。吾欲斷楊嗣昌頭而嗣昌在川。今當借王頭使嗣昌以陷藩伏法。王其努力進此酒。遂殺之去。而是年正月。自成已破河南。殺福王。嗣昌出川。聞兩王被害。知不免。自裁。賊乃破樊城。屠當陽。招曹操東下。連攻信陽。固始獲左兵旗志。命其下假之以趨泌陽。夜雨。獻忠乘以入。殺知縣。時十四年四月。賊并力攻應山。不克。隨州知州徐世淳戰死。轉而攻鄖。鄖降。將王光恩死守。多殺傷。乃還攻信陽。良玉躡及之大。

戰斬其頭領沙甲奪馬萬餘匹降賊數萬射獻忠達
殺負創走良玉復躡及會轉饋由興安達信百二十
里大雨五晝夜江水暴漲賊挺逸先是曹操不憚于
獻忠已投自成至是獻忠依自成亦復賴曹操救免
得以其間走英霍與革左合時革左五營在霍太避
夏而監軍楊卓然無術以說降受傷賊且叛且伏依
林樾窺伺凡賣解跳孫曹錫灼蔡者皆賊間謀官軍
英敢近至是合獻忠日收殘衆破州縣屠舒城六安
而取其壯者益軍會學道試廬賊僞扶耆囊襲儒衣
冠入隔之兩無爲州男女悉殊其臂大習水戰于巢

湖將窺江南。賴總兵黃得功劉良佐爭先擊賊。賊敗。斬首六千級。橫尸于潛山者六十里。于是革左棄獻忠。去合自成而獻忠引兵而西。當是時。良佐避自成于襄陽。從武昌東下。盡撤湖兵自隨。而以上國之。不勝甲者。守蘄黃。獻忠乃得破麻城。收里仁會土兵。益軍。盡殺麻城民。炮烙衣冠。卽以土兵爲導。破廣濟。斬州屠之。聞守道許文岐名。勸文岐降。不屈。旣而文岐誘土兵殺賊。謀反正。爲賊所殺。黃人聞盡逃。惟女子不行賊。乃驅其姣麗者至城下。令圻城指血。滲漉於壁間。凡三日。城平則盡殺而填之。塹中。十六年五月。

出漢陽攻武昌武昌陷守將崔文榮朱士鼎戰死楚
王被害初賊將渡江舊閣臣賀逢聖詣楚府乞發帑
募士楚王出高皇帝所分金製交椅一子庭曰惟此
可佐軍需耳他何有矣逢聖哭而出至是賊發楚府
金犒士而縛王于椅沉之江賀逢聖殉之賊乃盡殺
武昌民其未盡者鐵騎圍之而燒之於水自鵝鵝洲
至道士洑浮醴蠟動水爲不流踰月人脂累寸魚鱉
不可食乃據楚府鑄西主之寶敗武昌爲天授府江
夏爲上江縣開科取士得七十八人自咸聞其破武
昌大怒貽書詆獻忠獻忠懼轉而南走諸生程天一

集鄉兵二萬夜擊賊于大冶擒僞知縣吳鼎鉉沈會霖官兵復黃州監軍道王項沔陽知縣章曠皆起兵遮賊良玉追殺賊于黃石港斬黃四十八寨民兵皆應遂復武昌及諸屬縣賊乃陷咸寧蒲圻岳州震動初賊有大志題詩黃鶴樓詐收人心發金庫傳縣禁殺及聞諸師集大肆屠戮沉撫李乾德總兵孔希貴設計誘賊盡殲其前部三戰三克以衆寡不敵棄城走賊旣得岳謀過湖卜于洞庭君者三不吉大詢洞庭君竟渡風發覆賊百餘艘怒而還纜大舟傍岸擄所載婦女什器投以薪油燒之凡千餘艘連岸四十

里夜中水光如晝遂騎而逼長沙下之殺推官蔡道
憲及其健下林國俊等拆桂王府材至長沙造宮殿
時巡按劉熙祚遣中軍護桂惠吉三王于廣西而親
入永州死守賊破永被殺并殺東安知縣陳道壽唯
道州以守備沈至緒力戰得不破至緒戰死其女統
其軍再戰入賊營奪父屍還賊乃屠寶慶常德黔陽
昌祖父塚榮王走其別賊破湘陰者知縣陽開闔門
死連陷永新安福及建昌撫州南豐諸縣而廣東南
韶大震南屬以盡逃道臣王孫蘭請赦不應憤而自
經當是時自成已據西安僭位號獻忠聞之四顧嘆

曰吾亦何遽爲彼下哉遂返騎入川合賊十萬置橫
陣四十里破涪江守道劉鱗長守將曾英扼之敗績
尋佛圖開至重慶城下發民墓凶具負以穴城而入
大礮爲火攻城陷執瑞王時天無雲而雷震殺賊數
人賊怒縱礮仰擊與天角已而雷止殺王撫臣陳士
奇知府王行儉知縣王錫俱被害遂圍成都運接劉
之勅總兵劉佳引出戰大敗初賊未至時新撫龍文
光謀設守預遣人決都江堰水注錦江以益城濠將
以禦賊乃水至而城已破勦王率官奔出城不得返
而沉于井文光僅引暨推官劉士斗知縣沈雲祚皆

死賊乃僭僞號稱大西國改元大順以成都爲西京
置僞東閣六部等官以汪兆麟爲東閣大學士胡默
爲吏部尚書王國寧爲戶部尚書吳繼善爲禮部尚
書龔完敬爲兵部尚書李時英爲刑部尚書王應龍
爲工部尚書其餘九卿科道官以次分授乃設五軍
都督府中軍王尚禮前軍王定國後軍馮雙鯉左軍
馬元利右軍張化龍養子四人荀可旺艾能奇劉文
秀李定國俱加宮保封將軍賜姓張氏獻忠黃面長
身而虎額人號黃虎強不及自成而殺誦邇之性嗜
殺與自成比然較無道難測封蜀世子爲太平公未

幾殺之。開科取士盡坑其所取者。禁軍民私語犯者。折昏勿燃燭。然則十家坐。列兵爲甬道。閱民過之壯男少女。留入營。餘盡斬。以兵脇紳士不至者。全家抵法。禁勿觸諱。觸諱殊一手一足。下令民間勿畜馬。乃擇曰。考武生。武生無馬。選棧馬之。狎劣者數百疋。驅之使騎。旣騎。發巨礮合營。大譟以犇之。馬驚人墮。蹂爲肉。醵則撫掌大笑。蜀府醫院有銅人以楮幕其竅。令醫者鍼之。差者卽取金鎗刺醫者。竅召成都五衛指揮千百戶應襲者赴僞尚書襲完敬考。選至日午忽下令盡殺之。完敬伏地不能起。以爲慢令也。并殺。

完敬聘并研陳氏爲僞后封其兄國戚不十日陳氏
姊弟俱極刑成都知縣吳繼善旣爲尚書忽聞門賜
死僞官朝會拜伏呼號數十人班次有爲號所輿者
不忠引出剖其心分兵爲一百二十營設都督總督
領之城外列大營十小營十二各設兵部二都督一
譏訶出入爲保甲法凡出入以油印印左頰脫者死
宮中夜爲鼠所撓漏三下忽令兵各殺一鼠旦明來
轅門不者代以首是夜兵毀屋穿窖殺鼠轅門外咸
京觀焉賊自爲文譏評古帝王謂之御製萬言策頒
布學宮復爲僞聖諭刻石曰天以萬物與人人無一

物與天鬼神明明自思自量是時崇禎十七年十一月卽

大清順治改元之冬自成遣西安方謀襲川遣賊將馬苛由階文潛入而獻忠覺之親督曉騎出禦于保寧之梓潼仰視文昌廟曰此張姓吾祖也吾祖助我乃上張亞子尊號曰始祖高皇帝大敗馬苛于綿州俘其衆得蒙古一千五百人改綿州曰得勝州因命劉文秀駐廣元艾能奇扼保寧馬元利略順慶苟可旺收川南惟川東一隅仍爲川將曾英所復而次年乙酉自成復遣賊將賀珍以三千人敗劉文秀于廣

元將入川會大兵追自成出武關賀珍逃廣元撤
備賊遂敘功以苟可旺爲平東將軍劉文秀爲撫南
將軍李定國爲安西將軍艾能奇爲定北將軍後所
稱四將始是也時順慶道葉可綸知府史觀宸故給
事吳宇英以及川人李從彥殷承祚江明鎮俱起兵
恢復爲賊所殺而故輔王應熊僉事馬乾復誓師起
他如王祥起遵義楊展起犍爲郭郎起黎川以及司
馬呂大器延撫李乾德總督樊一蘅戶部范文光邛
州舉人劉道貞兵部侍郎喻思恂提學道王芝瑞涪
州道劉鱗長皆起獻忠聞之意大沮謀乘間襲西安

而盡殺川人以絕顧望先殺所俘蒙古一千五百人
於南門之外始分兵計殺凡一兵殺男子一百授把
總女倍之以手足爲記兵以上較次進級不者坐逆
罪卽于九月望夕夜分起先檢各衛軍及在營新兵
年十五以上者殺之會計各路所殺衛軍七十五萬
有奇兵二十三萬有奇家口不計乃次殺民之諸生
釋道及堪輿醫卜有材技者各府縣編牌按名自城
中大慈寺至濯錦橋賊擐甲矟刃分列掄殺凡三十
餘萬家口不計然後捃戶殺名草殺自成都起山城
北威鳳山至南門桐子岡綿亘七十餘里屍積若丘

山其婦女不勝殺則引絙而批于水歲丙戌元日命
四將軍分路草殺五月回成都上功疏平東一路殺
男五千九百八十八萬女九千五百萬撫南一路殺
男九千九百六十餘萬女八千八百餘萬安西一路
殺男九千九百餘萬女八千八百餘萬定北一路殺
男七千六百餘萬女九千四百餘萬獻忠自領者名
爲御府老營其數自計之人不得而知也其餘南順
七星治平東順釜戈天討太平志正鷹揚宣威果毅
果勇諸營分勦川北川南者俱有報數惟僞總兵溫
自讓以不忍草殺棄妻子率百騎遁獻忠親引騎追

之自讓走百騎皆死他如僞右軍都督米脂張君用
八卦營汝州王明振武營麻城洪正隆隆興營涇陽
郭嘉引三奇營鳳陽宋官末定營合肥郭尚義三才
營山東婁文干城營六安汪萬象援勦營寶鷄彭心
見中厥營萬縣杜興文英勇營黃岡張其在天威營
開封王見明龍輅營麻城商元決勝營汾州周尚賢
定遠營六安張成以及志義天討金戈神策虎威虎
賁豹輅虎略諸營僞總兵俱以功疏數少坐徇縱謀
逆剝皮死斬其家口于南河營屠順慶其屬縣聞令
爭先期向酒家貰酒圖醉死酒家堆金錢如粲初大

喜既而思之復大慟。皆叉手委股以待剗割。無或免者。獨保寧一城有僧破山出請命。賊持驢大肉襍進。曰能啖此者免。僧接手啖之。竟免。草殺既盡。乃分兵燒毀城廓廬舍。積聚米粟有不盡者。剗皮以徇。于是用法移錦江而洞其流。穿數仞。以黃金瑣寶累億萬殺人。夫下土石以填之。然後決隄放流。名曰水藏。後至者不得發。毀中園浮屠。攻以兵器。怒不速發。大破崩之。厭死者以千計。又伐木造大舡百。令營兵由山路曳入水。凡百里。綏者死。有合營宜殺者。則實舡而沈之江中。乃以平全川土寇功。宜勸石頌德侍臣。

嚴錫命撰文既成。賊命北面立。錫命爭曰。當南面。賊怒。杖錫命死。乃謂兆麟可旺。曰。吾初起草澤從者五百人所至無敵。若等所知也。今至數百萬。前年出漢中。反爲賀珍所敗。非爲將者不用命而爲兵者貪戀懷二心乎。兵貴精不貴多。吾欲止留發難時舊人而盡殺之。何如。皆唯唯。乃密定爲法。凡角觝超距意錢。鬪酒及詬諍諱諄皆死。連坐共收十餘萬。諸賊掌殺者殘忍。出天性。偶夜分念無可殺。殺其妻左右莫敢諍。既而以不諍殺左右。其虐如此。後復以前法所誅。尚未盡。詭名諸將于演武亭較。五月所上功疏將陞。

比至盡殺之。僞參將賀斗游擊胡明王四先覺。勒
僞馬詭爲防夜者。遁去。餘所殺五千七百員。有剝皮
者。剝皮法。從頂至尻。刻一縷。裂之。張於前。如鳥翅。踰
日。始絕。有卽斃者。行刑者抵死。是日雷電作。詐謂衆
曰。有天旨。命櫟絕諸人。吾敢違天哉。于是筮期啓行。
令各營有妻子無馬疋者。請營門貼驗。旣集。使各殺
其妻子。不忍者。駢戮。乃剝成郝城。燒宮室。以布裹柱。
澆以脂。焚十五日。聞灰燼中有榱桷未盡者。昇之江
中。躡踏之。使人泥尺餘。有粒米上浮者。死。命劉文秀
捆數年所掠珍寶。兼金裝巨艦百餘。赴彭山縣江口。

沉之而殲。駕船卒于水。後爲楊展所汨。取以賑川南。卽是物也。于是發成都由漢川金堂什方綿竹前行。其遲行者指爲亡。殺其什伍。每日行百里。屍連相接。然猶立過隊法。凡各營男女初行俱使向已前魚貫。過或三留一。或五留二。過畢殺所留者。曰我奉天司殺。自始起迄今已幾及十之七矣。恨其三未盡如之。尙吾殺當止在冬仲之望。蓋是日賊伏誅云。先是賊攻隴川人既殺民盡并欲屠川民之爲兵者。時賊將劉進忠所部川兵多計欲執進忠而坑其衆。進忠聞之率一軍俱逃會。

大將師至漢中。進忠迎降。爲鄉導南行。遇獻忠於鹽
亭界上。是日大霧。前不見馬。領獻忠方曉。行問介馬
聲。彎弓前至。鳳凰坡。進忠認之曰。此獻賊也。發一矢。
洞脇急回走。而矢叢于背。大呼墜地。賊將王尚禮尚
負其屍走。旣而棄去。支離之。獻忠死不束。以下四將
共潰入南川。渡江奪重慶。破夔東十三家賊。并攻殺
曾英王祥李乾德等。遂復據川。詐言獻忠婢老脚有
遺腹。諸將當輔孤。而實無有其後。平東安西。附桂王。
入雲南。賊絕。

毛翰林集

西河合集

蕭山毛奇齡

字僧騫
又字于稿

王
初德遇鹿亭較

後鑒錄七

論曰賊亡人國自古罕有尤殘殺如是雖壽光刀鋸
冤句春磨百不及一此循蜚以來一太叔運也以爲
天意則天太不仁以爲人事則常烈皇帝爲君辛勤
宵旰縱曰無臣亦何遂感名如是夫人傾四海之畜
竭九州之力以奉一人亦曰一人庶有庇于我而坐
令憐毒至于如此則誰秉國成疾視其死所以不能

不痛恨于長民者也。洪範演九疇以六弱爲五惡之進。夫君惡至紂亦云無加。邦千室其被殺者亦何幾。而馬晉趙宋尙弱不振。則雲擾百年血流萬里。况海覆草殺其慘有甚于擾者。故曰弱之罪進于惡。豈無謂與。嘗考崇禎初盜賊新起。不過馬戶偷兒耳。燎原之火竟致不掬。雖官軍勦殺亦曾取勝一二。徒以爪距未成。容易扑搗。稍稍蕪蔓則全無翦伐之勢。初謂賊力本強。原非于毒尤來之比。故橫行中原。可以無敵而一承王師如炎火灼毛。滄波沃炭。窮走喘汗。貽笑螻蟻。此何爲也。有明三百年。過于輕武備。

臣以奴隸遇閫帥尺籍濫冒病坊萊傭漫不經省師
中承廟算動掣兩肘又中官監進止無已則冠惠文
者襍操名法以持其後其在行間者原不能殺賊卽
以撫徼百一而其中稍自振拔亦姑且縱賊圖自存
毋令文臣蹴踏之去勢如此不得不弱弱則賊輕兵
賊輕兵則殺兵殺兵則兵且爲賊兵且爲賊則兵與
賊俱殺民兵與賊俱殺民則民無所逃相顧受殺以
至于亡國而要皆起于輕武之一念嗟乎征伐不可
偃于天下雖其言出自刑名者流而有文事必有武
備亦何莫非聖人誥言而武事弛壞遂至燎毫沃雪

之賊亦一如神武之不可遏豈不哀哉故略敘二賊
殘殺之十一以垂世戒至若臨事周章明明誤國則
操廟算者固不勝責而卽督理諸臣可按簿誅者涸
池已燧而援師失防車箱旣阱而軍門受撫真寧不
可戰而遣戰朱陽可以守而不守漢南之逸撫臣縱
之武關之遁督師開之穀城之旅降而旅叛寶豐之
怒勝而怒敗夔門之再入而再出幾微不謹大勢盡
去雖百死曷贖哉崇禎流賊多與二賊相終始故主
名雖多大抵附二賊以見他如荷葉坪紅娘子寶阿
婆薛紅旗諸賊皆隨起隨滅無與克諸而夔東十三

家賊有所謂譚文譚弘劉體純封明道王光興袁紹
姚玉麟白文龍楊炳英李世傑者徒以全蜀樸絕乘
間竊發仍仰藉二賊游魂或分或合以極于收亡則
亦無足比數者故夔東餘賊一概不錄而第錄其不
附二賊而自主名者于後曰劉香老等

劉香老鄭芝龍部賊也芝龍泉州皂隸子少貌美爲
海賊顏振泉掠去嬖之辟其婦與芝龍同臥起旣而
振泉病將禪芝龍爲賊後慮衆不伏集衆禱于神植
劍米盎中通拜之劍動者推爲長次芝龍芝龍預藏
磁袖間甫拱手劍隨芝龍手躍出遂長衆稱雄海上

嘗以已泉人不冠泉使香老冠之既而悔禍與其弟
芝虎同降于總督熊文燦其部鍾斌與香老遁去鍾
斌冠浙爲浙撫張延登勦散而香老則南入廣海匿
半田馬耳諸洋嘗犯小垵犯長樂犯廣之游豐芝龍
以戴罪出戰每不利崇禎七年文燦仍欲以招芝龍
者招香老香老詐許之文燦不肖遣道巡道洪雲蒸
守道康承祖叅將夏木張一傑入游招撫香老大笑
留雲蒸等不令返如是一年上聞狀獎曰豈有招
海而反蹈海者敕文燦戴罪責效而合廣東福建兵
會勦香老于田尾遠洋香老迎戰大敗時芝龍以游

擊爲前鋒。乃所留巡道洪雲蒸出船止芝龍
兵雲蒸出船大呼曰我兵備副使洪雲蒸也將軍第
來前賊窮矣急擊勿失賊乃殺雲蒸。承祖二將而
自焚其舟死火中。其後有崇明顧榮。

顧榮與陸大慶二爲崇明游賊陸大以崇禎十二年
冬同崇明掠青村柘林見殺榮遂與慶二分南北二
營各署三萬人爲三百船名三哨約以十五年三月
寇蘇州常州北趨江淮截漕道于是江陰靖江城盡
閉崇明知縣偕守備出戰敗沒應撫黃希憲定海總
兵王之仁奉旨會勦而蘇松兵備程炯知兵相視劉

家河嶺捕斬格募漁船百漁丁二千爲源勇營隨之
仁兵出洋遇賊高家嘴大破賊斬賊二百生擒五十
五燔其船二十連敗之大安沙江北新港枋頭俘斬
無算賊將竄淮北漕督史可法統官軍逆擊復南向
降於程晦散其衆而收其船爲官用

崇禎元年廣東山賊張惟元寇羅岡程鄉及福建之
上杭武平清流僭號永興稱爲王上命南贛福建廣
東巡撫合勦之生擒賊渠張雲會鍾威林可美賊平
而江西九連山賊山連廣東于崇禎四年攻掠贛之
龍南定南惠之和平湖之不遠官軍勦之凡二年始

散乃用廣東巡按梁天奇議一增修南雄城一移平遠縣于石窟一設兵三百人統于惠州叅將一擇山中衍沃地如野鴨潭者凡七區皆屯田焉

山東舊多盜崇禎十二年有開州王小槐自稱順天仁義王聚衆萬人與東阿李遷相應焚掠臨清沂州間爲總兵楊御蕃所勦其後連年飢飢民李廷實李鼎陷高唐州東撫王國賓討平之而泰安土賊至十萬有李青山者本屠猪兒據梁山之壽張集以獸醫艾雙雙爲軍師僞封當家大元帥掌營務而已率賊衆破東阿新樂從兗南下抵揚州之沙河店劫漕舡

三十轉而陷東平張秋固豐縣與羣賊合當是時賊
每出掠必取女子櫛而冑衣甲裳褰旗守營賊縱橫
四出會總兵劉澤清進勦覘知之襲其營斬艾雙雙
鹵其妻女貨械殆盡而東平人王隣臣爲青山所親
嘗勸青山降至是青山當新創謀之隣臣隣臣勸如
故心動適道臣蔡懋德刊撫帖許以效用青山乃要
之澤清澤清佯許之青山降赴京上率太子暨永定
二王御承天門樓受之鄰而出賊怒曰將以我爲官
而綁我耶及至市青山奮臂賊所綁械代械代拔隣
臣亦詬罵負約至死乃絕其後龍山滄波淵諸賊東

撫王永吉初至以三百騎勦之盡惟青山賊黨有未
獲者破東平賊余城印破張秋賊李朋陳惟新劫漕
破陰新焚開順賊朱連破新樂東阿賊李相南李青
芳青芳青山之弟

袁時中滑縣人崇禎十三年河北飢羣盜皆起時中
陷開封之霍丘執蕭縣知縣其時有袁老山營竄強
呼時中小袁營既而同起者相繼滅時中渡河得衆
四千人圍蘭陽總兵陳永福擊敗之時中乃東走歸
德出賴毫糾合飢民十餘萬李自成聞其名招之相
見於河汝之間歡甚爲婚姻時中遂從自成破睢陽

寧陵以及歸德所至時中爲先鋒既而時中耻爲役
叛去屯柘城鹿邑界上保督楊文岳招之不就諸生
黃亮好縱橫請往招時中時中降然猶豫擁兵如故
會末城劉超反時中投牒請擒超自贖許之遂與陳
末福渡河值自成修怨于時中游騎察得之驟襲時
中斬首去時中起自十三年至十六年凡四年滅
劉超山西人其父爲末城估遂家末城超兩中河南
武舉第一與曹縣人劉澤清俱以偏裨從黃撫王三
善敗安邦彥于龍里追至六廣河積勞還四川遵義
總兵崇禎中同縣練國事丁魁楚丁啟睿皆以將撫

檄趙赴軍前討賊趙怒上書陳功簿執執十二年赴
京朝議趙怨望斥趙勒歸末城會河北土寇大起李
自成攻開封詔募救開封者趙應詔自招土寇大千
殺賊乃起趙保定總兵同縣進士魏景琦曾授御史
以言事罷歸負氣詆趙爲通賊趙怒趙之舉人喬明
楷明楷復謂之趙乃大憤殺景琦一家并殺喬明楷
而反巡按王漢謀執趙通之練國事言招撫親統
官軍伏城下而獨身入趙先發殺漢并拘國事脇令
卓公奏訟言激變非趙意上請上命以撫馬士英太
監盧九德總兵陳永福討之趙據末城守時末城以

禦賊故先屯糧積芻製礮火盡爲趙有官軍屢戰多
殺傷上發御前銀萬兩犒軍且檄諸道軍悉會趙始
懼就士英乞撫士英邀之趙出見士英長揖帶刀
士英下與握手脫其刀曰旣歸朝何用是也遂執趙
與弟越俱凌遲死趙有才辨少就文試以寄籍不許
因試武嘗貽書士英中有曰文臣暫結成勢斛不可
拔然而爲守令則驅民反爲將撫則驅兵反爲豪皆
則驅將反今天下反者何一非公等驅之夫趙非斛
憑豈願棄功名捐首踵蒙不韙之名蹈汗敗之行爲
天下笑哉勢激之使然也

徐碭蕭與東山河南接壤崇禎八年有程繼孔王道
善張方造三賊破蕭縣焚徐州北關殺指揮守備等
歸末邳宿間大震會劉超敗其黨燕青竄其寨稱反
天王魏豹遂南勾河寇東連汾潞淵諸賊勢張甚十
六年署淮徐道何騰蛟統將金聲桓討之而淮督路
振飛亦以兵會乃共敗方造于吳家集斬賊千級擒
其弟方睿而方造走既而程繼孔請降騰蛟舉騎詣
繼孔營賞其罪令縛首惡王道善自贖無何果執道
善獻騰蛟乃親勦餘賊之未下者斬方造適騰蛟擢
湖撫將去念繼孔留此終為患檄之使隨征不應乃

囑屬督馬士英以兵執之檻車達京師京師陷脫歸
仍聚衆爲賊踰年與平伯高傑北行過淮繼孔謁道
傍傑受士英指擒斬之始絕

河南諸寨以沈萬登劉洪起李際遇三人爲冠沈萬
登真陽人崇禎七年汝寧賊盛之友反萬登與白泰
徵各署萬人爲賊應其同時起者舞陽楊四據九曲
泌陽郭三海侯鷺鷥據平頭塚皆自相爲長而萬登
尤強大稱順義王

劉洪起者西平鹽徒也與其弟洪超洪道洪勛洪禮
結鄉井自保號諸劉嘗乘夜遣人入賊營奪其馬賊

營中謠曰高點燈多添油防備西平劉扁頭扁子洪
起號也河撫知其事請授洪起爲西平都司徵討賊
誅捕楊四盛之友侯鷺鷥等而萬登出降亦授都司
卽其所居真陽爲屯部惟白泰徵以負固見殺李曰
成破汝寧授萬登威武大將軍不受當是時與洪起
同效用

李際遇登封人幼讀書應試不就去而耕與礦徒往
來陳金斗者開礦得天書善占候望氣際遇拜爲師
官軍擒金斗并際遇妻子殺之際遇反據登封王寨
與萬登洪起陰相結李自成破汝寧際遇請降洪起

獨不可屬弟道與趙居守而自詣左良玉軍前請兵
一日夜走七百里足胠盡裂既而與老獬獬戰敗之
遂約際遇殺汝州僞官請命上下詔褒美稱劉扁子
初萬登與洪起弟洪禮助同知韓煌守汝寧城汝寧
破賊遣僞防禦使金有章暨僞府尹僞令守汝韓煌
避之去而韓華美者東寨賊也具儀從郊迎且邀僞
果毅將軍及長旅四人分屯各門有章建牙爲白武
根柢殺汝人無虛日萬登陽與合而陰圖之密令鄉
勇傳呼曰寇至矣有章懼請萬登入守而已脫身走
真陽萬登擒磔之韓華美遁于是韓煌與汝人皆俛

由東安水道闖入廣西而諸寨日益起于是奉四省
會勦之旨沅撫陳睿謨計所轄主客兵合萬五千人
以推官孫明孝爲叅軍仍檄尹先民統諸軍先勦牛
寨敗賊銅梁橋孫明孝用計誘縛賊首劉新宇誅之
而餘賊竄諸寨者更推新宇弟秀字號劉紅鼻者爲
主而以芹寨賊劉廷相多智拜軍師稱劉先生官軍
分四路勦擊賊斷橫沙橋官軍爭險過追奔二十里
直抵猴寨而二劉復竄芹寨先民偕明孝前後夾擊
紅鼻走連呼劉先生劉先生掉頭乃并擒之當是時
羣寨皆平惟二源未破廣西按臣陳昌虞提土兵二

千四百而軍仰庭貢王飲仍率鎮軍茅岡兵一千入
藍山先掃源外檠藤木以進破高獫殺賊首曾戒奴
等而廣東兵福兵合萬人共集紫獫焚山乘烟而上
毀其巢殺賊首郭子奴等李荆楚被執并執泗州寨
賊陳王狗自藍山左右凡杓羅源木山上號源野猪
源黃峒東岡源無不平者

崇禎十三年河上孟三劫河撫解餉萬兩飢民就食
聚千人既而漸聚其明年攻破河陰縣據之執知縣
成正中佩其印稱王游擊高謙副將張德昌環攻七
晝夜城拔擒孟三孟三起凡二年滅